

«Дьиэ-дьиэчээн»

(оскуолаҕа киириэн иннинээҕи саастаах оҕолорго аналлаах сценарий)

Кыра дьиэ макета турар.

Остүоруйаһыт: - Араай биирдэ, ханна буолбута биллибэт, хаһан буолбута биллибэт, тыа саҕатыгар, киэн алаас ортотугар, ким туппута биллибэт, хантан кэлбитэ биллибэт, учугэйкээн баҕайы, барыта бары баар, тупсаҕай бэйэлээх кыра дьиэ дьэндэйэн турар эбит. Дьэ ол турдагына, Кутуйах-Кутуйахчаан – Уһун Кутурукчаан тиэтэйэ-саарайа сүүрэн иһэн оройго бэрдэрбиттии хорос гына түстэ.

Кутуйах: - Уой, наһаа да үчүгэй дьиэ турарар эбит дии, дьиэ-дьиэчээнцэ ким баарый?

- Ким да суох эбит, хата мин киирэн олоруум!

Остүоруйаһыт: - Кутуйах-кутуйахчаан – Уһун Кутурукчаан үөрэ-көтө киирээтин кытта, Бах-бах баҕа бахчаһнаан тийиэн кэлэр.

Баҕа: - Бах-бах, хайа бу тугуй, дьиэ-дьиэчээнцэ ким баарый?

Кутуйах: -Мин Кутуйах-кутуйахчаан – Уһун кутурукчаан баарбын, онтон эн кимһиний?

Баҕа: - Мин Баҕачаан Күөх Лаапчааммын, миигин киллэр эрэ.

Кутуйах: - Киир, киир бииргэ олоруох!

Остүоруйаһыт: - Ол олодохторуна, Куобахчаан - Уһун Кулгаахчаан ойуоккалаан тийиэн кэлэр.

Куобах: - Дьиэ-дьиэчээнцэ ким баарый?

Кутуйах: -Мин Кутуйах-Кутуйахчаан – Уһун Кутурукчаан,

Баҕа: -Мин Баҕачаан Күөх Лаапчааммын, онтон эн кимһиний?

Куобах: -Мин Куобахчаан - Уһун Кулгаахчааммын, миигин киллэрин эрэ.

Иккиэн: - Киир, киир бииргэ олоруох!

Остүоруйаһыт: -Дьэ ол курдук, үһүө буолан, үлэлэрин үллэстэн бииргэ олодохторуна Саһыл обургу, тыа саҕатыттан салбанан тийиэн кэлэр.

Саһыл: -Тук, тук, тук, дьиэ-дьиэчээнцэ ким баарый?

Кутуйах: - Мин Кутуйах-Кутуйахчаан – Уһун кутурукчаан,

Баҕа: - Мин Баҕачаан Күөх Лаапчаан,

Куобах: - Мин Куобахчаан - Уһун Кулгаахчааммын, онтон эн кимһиний?

Саһыл: - Онтон мин Саһыл-Саһылыкааммын, мин эһигини кытта олоруохпун баҕарабын.

Бары бииргэ: - Киир, киир бииргэ олоруох!

Остуоруйаһыт: - Дьэ ити курдук төрдүөлэһэн, түөттүргүлүү, эйэ дэмнээхтик, эн-мин дэһэн олодохторуна, Эһэ убайдара тийээн кэлэр.

Эһэ: -Тук, тук, тук, дьыэ-дьыэчээһи ким баарый?

Кутуйах: - Мин Кутуйах-кутуйахчаан – Уһун Кутурукчаан,

Баҕа: - Мин Баҕачаан Күөх Лаапчаан,

Куобах: - Мин Куобахчаан - Уһун Кулгаахчаан,

Саһыл: - Мин Саһыл-Саһылыкааммын, онтон эн кимниий?

Эһэ: - Мин Мэхээлэбин, миигин киллэрин эрэ.

Бары бииргэ: - Суох, суох Мэхээлэ, эн олус улаханҥын, баппаккын!

Эһэ: - Онтон батан көрүүм ээ!

Остуоруйаһыт: -Туох баарынан кыһаллан-мүһэллэн, Мэхээлэ бата сатыыр да кыаллыбат, ыксаан дьыэ үрдүгэр тахсар да дьыэ-дьыэчээһитин хампы олорон кэбиһэр.

Кыыларбыт бары ыһы-хаһы түһэрэн нэһиилэ куотан тахсаллар.

Бары бииргэ: -Дьэ иэдээн, хаарыан дьыэбитин!

Мэхээлэ: -Бырастыгыны, доҕоттоор! Бары көмөлөөн өссө үчүгэй, улахан дьыэту тутуохха!

Остуоруйаһыт: -Ити курдук доҕоттоор кыыларбыт үлэ үргүөмэ буола түһэллэр да, бэрт сотору өссө үчүгэй, өссө улахан дьыэ-дьыэчээһи тутан дьэндэтэн кэбиһэллэр!

Бары тахсан улахан дьыэ макетын киллэрэллэр. Иннигэр киирэн бокулуоннуулар.

Остуоруйаһыт: -Дьэ мань этэн эрдэхтэрэ : - Норуот күүһэ – көмүөл күүһэ!Манан остуоруйабыт бүтэр, ким өйдөөн истибит маладьыас! Болҕомтобут иһин махтанабыт!

Оруоллары толордулар:

1. Кутуйах -
2. Баҕа -
3. Куобах -
4. Саһыл–
5. Эһэ–
6. Остуоруйаһыт -

Салайааччы: Лебедева М.П.

Муниципальное бюджетное дошкольное образовательное учреждение
детский сад «Чэчир»

«ДЬИЭ ДЬИЭЧЭЭН»

Автор сценария: Лебедева М.П.

Руководитель кукольного театра

«Сыхай»